



Bwletin GwE



Rhannwch ein bwletin â thîm staff yr ysgol i gyd ac anogwch eich holl gyd-weithwyr i ymuno â'n [rhestr bostio](#).

Gwybodaeth a Chanllawiau GwE

Cysylltu â GwE

Rydym yma i helpu! Rydym ar-lein ac wrth law i gefnogi ysgolion a llywodraethwyr. Cysylltwch â ni ar post@gwegogledd.cymru ac fe atebwn cyn gynted ag y bo modd.



Cynnig GwE

Dilynwch y [ddolen hon at Gynnig GwE](#) ar gyfer y flwyddyn 2020-2021. Mae'r cynnig wedi'i symleiddio eleni ac yn canolbwyntio ar 5 prif faes sef Lles, Y Daith Ddiwygio, Datblygu'r Gweithlu, Cyflymu Dysgu a Digidol. Bydd eich Ymgynghorydd Cefnogi Gwelliant yn trafod eich anghenion Dysgu Proffesiynol gyda chi yn eich cyfarfodydd unigol ac/neu clwstwr er mwyn adnabod cynllun unigryw ar gyfer eich dalgylch.



Cyfleoedd a Rhaglenni Datblygu Proffesiynol GwE

Rhaglenni Datblygu Arweinyddiaeth



Rhaglen Ddatblygu Genedlaethol ar gyfer Arweinwyr Canol

DYDDIAD CAU: 1:00YP AR 30/11/2020

Mae'r rhaglen ddatblygu hon, sy'n para blwyddyn, yn gyfle dysgu proffesiynol i arweinwyr canol ar draws Cymru.

Mae'r rhaglen ar gyfer arweinwyr canol sy'n gyfrifol am feysydd penodol ac/neu reoli staff.

Mae hon yn rhaglen genedlaethol a gydlynir gan y consortia rhanbarthol. Mae'n cael ei hardystio gan yr Academi Genedlaethol ar gyfer Arweinyddiaeth Addysgol, gyda chyfle am achrediad mewn partneriaeth â Phrifysgol Cymru Y Drindod Dewi Sant a Phrifysgol Bangor.

[Cliciwch yma](#) am fwy o wybodaeth a manylion ymgeisio.

Rhaglen Ddatblygu Genedlaethol ar gyfer Uwch Arweinwyr

DYDDIAD CAU: 1:00YP AR 23/11/2020

Mae'r rhaglen ddatblygu genedlaethol newydd hon, sy'n para blwyddyn, yn gyfle dysgu proffesiynol i uwch arweinwyr ar draws Cymru.

Mae'r rhaglen ar gyfer arweinwyr sydd â chyfrifoldeb cyffredinol am agwedd ar arweinyddiaeth ar draws sefydliad. Mae hyn yn cynnwys uwch arweinwyr cwricwlwm/bugeiliol ac aelodau o'r uwch dîm arwain, megis penaethiaid cynorthwyol neu ddirprwy benaethiaid.

Mae hon yn rhaglen genedlaethol a gydlynir gan y consortia rhanbarthol, gan ddefnyddio ystod o bartneriaid i ddarparu.

[Cliciwch yma](#) am fwy o wybodaeth a manylion ymgeisio.

Rhaglen Datblygu Darpar CALU

Mae Cylch 2 Rhaglen Datblygu Darpar CALU yn cychwyn mis Ionawr 2021. Y dyddiad cau ar gyfer ymgeisio yw **20 Tachwedd 2020**.

[Cliciwch yma](#) am wybodaeth am y Rhaglen a'r dull ymgeisio. Mae'n bwysig eich bod yn gwylio'r sesiwn wybodaeth hon cyn ymgeisio: <https://www.youtube.com/watch?v=vuAKpGTefZI>

Cyfle cyffrous i Gynorthwywyr Addysgu newydd!

Mae'r **Rhaglen Ymsefydlu Cynorthwywyr Addysgu** ar gyfer unigolion sydd newydd eu penodi i'r swydd. Cyflwynir y rhaglen genedlaethol hon ar lwyfan digidol. Bydd modd cwblhau'r hyfforddiant ar amser sydd yn gyfleus i'r cynorthwywyr ac i'w lleoliad. Am fwy o wybodaeth a manylion am sut i gofrestru, [cliciwch yma](#).

Sefydlu Athrawon Newydd Gymhwyso (ANG)

Yn 2020-21, bydd newidiadau **sylweddol** i reoliadau Sefydlu ANG, a bydd yn bwysicach nag erioed bod pob Mentor Sefydlu ysgol (MS), ANG a Gwiriwr Allanol (GA) yn mynychu un o'r sesiynau hyfforddi/briffio cenedlaethol. Bydd ystod o sesiynau pwrpasol ar-lein ar gyfer pob rôl.

[Dylai ysgolion enwebu MS i fynychu sesiwn hyd yn oed os nad ydyn nhw wedi penodi athro fydd yn ANG ym mis Medi ar hyn o bryd, gan fod y mwyafrif o ysgolion yn cyflogi ANG ar ryw adeg yn ystod y flwyddyn academiaidd].

[Cliciwch yma](#) am fwy o wybodaeth/am ddyddiadau'r sesiynau hyfforddi.

Mae dyddiadau sesiynau hyfforddi Awdurdodau Lleol ar gyfer ANG hefyd ar gael yma, ynghyd â'r manylion cyswllt ar gyfer pob Awdurdod.

Newyddion a Gwybodaeth GwE

Diweddariad SAFMEDS

Mae adnoddau newydd i gefnogi defnyddio strategaeth rifedd SAFMEDS yn yr ysgol ac yn y cartref bellach ar gael i'w lawr lwytho o [Ganolfan Cefnogaeth GwE](#).

Mae cymorth gweithredu ar gael drwy gyswllt fideo i **bob ysgol** yn rhanbarth GwE. Bydd y sesiynau hyn wedi'u haddasu i anghenion ysgolion, athrawon, neu staff cymorth unigol. Bydd Kaydee Owen (Swyddog Cefnogi Ymchwil) yn cynnal sesiynau galw heibio (rhwng 9yb a 5yp) ar y dyddiadau hyn:

Trefnwch amser ar-lein ar gyfer cyfarfod un i un : <https://calendly.com/safmeds/drop-in>.

- 9 Rhagfyr
- 11 Ionawr
- 9 Chwefror
- 11 Mawrth

Er mwyn cael unrhyw gymorth ychwanegol tu allan i'r dyddiadau neilltuol hyn, anfonwch e-bost at kaydee.owen@bangor.ac.uk.

Ar gyfer unrhyw athrawon neu staff cymorth sydd eisiau hyfforddiant SAFMEDS llawn ar-lein, gwylwch y [fideo sydd yn cyflwyno addysgu manwl a strategaeth SAFMEDS](#).

Dosbarth Google Dysgu Cyfunol Dwyieithog

Mae dau [Ddosbarth Google](#) dysgu cyfunol dwyieithog newydd o'r enw 'Nadolig' ac 'Enwogion y Castell' wedi'u creu ar gyfer athrawon CA2. Maent yn cynnig cyfleoedd i ddatblygu sgiliau Llythrennedd, Rhifedd a Digidol. Mae cysylltiadau gyda modelau Dysgu Carlam sydd ar gael ar Ganolfan Cefnogaeth GwE a chyda 4 diben Cwricwlwm i Gymru.

Efallai y bydd y casgliad hwn o weithgareddau yn ddefnyddiol i chi. Nid ydynt yn themâu cydlynus, ond yn gasgliad o unedau sy'n modelu dysgu cyfunol y gallwch ddewis a dethol ohonynt. Mae'r dosbarth Nadolig yn cynnwys cyfuniad o weithgareddau digidol a thraddodiadol.

Gweler y codau ar gyfer derbyn mynediad i'r dosbarthiadau isod. Pe byddech yn dymuno copi athro o'r dosbarthiadau, mae dolen o fewn y dosbarthiadau o dan y pennawd 'Cyflwyniad'. Dilynwch y cyfarwyddiadau 'Gwneud cais am gopi athro'.

Codau'r dosbarthiadau newydd felly yw:

Nadolig / Christmas (**kei6znf**)

Enwogion yn y Castell/Celebrities in the Castle (**w2h755h**)

Rhaglen Dysgu Carlam

Peidiwch ag anghofio bod yr holl wybodaeth sydd ei hangen arnoch i gael mynediad i'r adnoddau yn adran Sgiliau Carlam Canolfan Cefnogaeth GwE ar gael ar y dudalen gweminarau. Dilynwch y ddolen hon i weld recordiadau am **SAFMEDS, Headsprout, Cyflymu Llythrennedd a sgiliau Rhifedd**, yn ogystal â'r adolygiadau o **becynnau cymorth llythrennedd a rhifedd ar-lein**.

Anfonwch unrhyw ymholiadau i llythrenneddarhifedd@gwegogledd.cymru

CLICIWCH YMA

Dyfodol Byd-Eang GwE a Phartneriaid - leithoedd Rhyngwladol

Gweminar Ysgolion Cynradd

DYDD MERCHER, 2 RHAGFYR 2020, 16:00-17:00

Paratoi ar gyfer y Cwricwlwm Newydd i Gymru!

PowerLanguage for Schools - Mae PowerLanguage yn cefnogi ysgolion yr Alban i weithredu polisi iaith 1+2 y Llywodraeth, yn ogystal â nifer cynyddol o ysgolion cyfrwng Cymraeg. Ymunwch â ni i ganfod pam!

Am fwy o wybodaeth ac i gofrestru, dilynwch y ddolen: <https://pwlgl.link/2TVJ00I>

Ysgolion Uwchradd

GWEMINAR DYFODOL BYD-EANG GWE A PHARTNERIAID: Gwneud pob gwers MFL gyfrif!

30 Tachwedd 2020, 16:00-17:30

Manylion a dolenn gofrestru i'w gael [yma](https://yma.org.uk).

Llwybrau at leithoedd Cymru

Dyma'r arlwy ddigidol y mae Llwybrau at leithoedd Cymru yn ei baratoi ar gyfer ysgolion uwchradd y flwyddyn academiaidd hon. Rydym yn bwriadu cynnal ein gweithgareddau i gyd yn rai rhithwir eleni, ac wrth glicio ar y cyflwyniad Sway isod fe welwch beth sydd gennym mewn golwg. Yng nghorff y cyflwyniad, mae yna arolygon sydyn, a chroesawn unrhyw sylwadau neu syniadau a fo gennych – rydym yn awyddus iawn i deilwra ein cefnogaeth i'r hyn a fyddai yn ddefnyddiol ar gyfer eich ysgolion chi yn y cyfnod heriol hwn.

<https://sway.office.com/vLT7lj00ds3mP7ml?ref=email>

Cysylltwch â ni yn uniongyrchol os hoffech chi drafod unrhyw gefnogaeth y gallwn ei chynnig i chi eleni:

info@routesintolanguagescymru.co.uk

Newyddion a Chyfleoedd: Consortia Gwella Ysgolion Rhanbarthol

CONSORTIA GWELLA YSGOLION RHANBARTHOL
REGIONAL SCHOOL IMPROVEMENT CONSORTIA



Partneriaeth Rhaglen Lles

AWDURDODAU LLEOL, YR ACADEMI ARWEINYDDIAETH A'R CONSORTIA ADDYSG

Mae ein Rhaglen Partneriaeth Lles bellach yn fyw. Mae ein cyfres Gweminar Lles yr Hydref yn dechrau 24 Tachwedd 2020.

Cliciwch y [ddolen hon](#) am fanylion pellach.



Aseswyr CALU

Mae'r Consortia Gwella Ysgolion Rhanbarthol yn chwilio am ymarferwyr i ymuno â'r tîm sy'n ymwneud â'r Rhaglen Asesu Cynorthwywyr Addysgu Lefel Uwch (CALU) ar ran Llywodraeth Cymru.

Fel aseswr, bydd gofyn i chi gynnal asesiadau ar ymgeiswyr o ysgolion ledled eich rhanbarth sydd wedi cwblhau rhaglen Darpar CALU, ac sy'n mynd ymlaen i gael eu hasesu.

Cliciwch [yma](https://yma.org.uk) am rhagor o wybodaeth.



Gwybodaeth a Chanllawiau gan Lywodraeth Cymru

Gwobrau Addysgu Proffesiynol Cymru 2020

Eleni bydd pethau'n edrych ychydig yn wahanol, a byddwn yn dathlu'r rhai a gyrhaeddodd y rownd derfynol eleni yn rhithwir!! Bydden ni wrth ein boddau pe baech chi'n ymuno â ni gyda'ch ffrindiau a'ch teulu gartref i ddathlu'r rhai sydd wedi cyrraedd y rownd derfynol, a phawb sy'n gweithio ym myd addysg. Gwnewch banded neu codwch wydr i'n gweithwyr proffesiynol addysgu anhygoel.

Gallwch wyllo'r seremoni ar y ddwy sianel hon:

<https://www.youtube.com/c/AddysgCymruEducationWales/> / www.facebook.com/addysgcymru

@6pm, 29 Tachwedd 2020

Helpwch ni i roi cydnabyddiaeth haeddiannol i'r prosiectau a'r unigolion anhygoel hyn am eu cyfraniad, eu gwaith caled a'u hymroddiad eithriadol ledled Cymru.

Defnyddio Asesiadau Personol yn Nhymor yr Hydref

Bellach, mae asesiadau ar gyfer Rhifedd Gweithdrefnol a Darllen (Cymraeg a Saesneg) ar gael i ysgolion eu defnyddio.

[Cliciwch yma](#) am ragor o fanylion.

Gwybodaeth a Chanllawiau gan Eraill

Cynnal Coetir

Mae 'Cynnal Coetir' yn brosiect graddfa tirwedd sbectrwm eang a gynhelir gan *The Game and Wildlife Conservation Trust Cymru* (GWCT), ac mae'n cael ei ariannu gan Lywodraeth Cymru. Mae'n cwmpasu 23,500 hectar ar draws Sir Ddinbych a rhannau o Gonwy ac mae'n ymwneud â'r bygythiadau sy'n wynebu coetiroedd.

Sesiynau Addysgol

Yr hyn yr hoffem ei gynnig i ysgolion yn ardal y prosiect yw sesiynau addysgol am gynefinoedd coetir a chynefinoedd afon. Rydym yn barod i weithio gydag athrawon i addasu sesiynau a chyd-fynd ag amcanion y cwricwlwm trwy gydol y flwyddyn. Mae gennym fynediad i goetiroedd ledled ardal y prosiect, ble mae tîffeddiannwyr wedi rhoi caniatâd ar gyfer sesiynau ysgol.

Ceir rhagor o fanylion am y prosiect [yma](#)

Am ragor o wybodaeth neu i drafod ymhellach mae croeso i chi gysylltu â mi:

Lee Oliver, Rheolwr Prosiect GWCT Cymru loliver@gwct.org.uk 07984 016102.

Helpwch eich Plentyn i Ddysgu Darllen

CWRS AR-LEIN AC AM DDIM I RIENI

Bydd y cwrs ar-lein hwn yn helpu rhieni i fagu hyder i ddefnyddio rhywfaint o dechnegau sylfaenol i helpu eu plentyn i ddysgu darllen. Byddwn yn ystyried amrywiaeth o strategaethau llythrennedd a sut i'w defnyddio gartref, yn arddangos rhywfaint o weithgareddau a gemau difyr ac yn trafod adnoddau cartref a masnachol i helpu plentyn i ddysgu.

- Cyrsiau yn rhedeg ym mis Tachwedd a mis Rhagfyr**

Am fwy o wybodaeth cliciwch yma: <https://www.adultlearning.wales/cym/cwrs/40552>

- Penaethiaid - Gellir trefnu cyrsiau pwrpasol ar gyfer grŵp o rieni o'ch ysgol neu glwstwr.**

Anfonwch e-bost at Jane Watkins am fanylion: jane.watkins@adultlearning.wales

Unrhyw gwestiwn? Anfonwch e-bost at jane.watkins@addysgoedolion.cymru

Y Cliciadur / Clic-It Cymru



Mae rhifyn diweddaraf e-bapur newydd dwyieithog Y Cliciadur/Clic-It Cymru bellach ar gael.

Dyma e-bapur newydd dwyieithog lliwgar, hawdd ei ddilyn i blant CA2 a CA3. Mae'n cynnwys newyddion am ein sefyllfa bresennol a gweithgareddau hwyliog i'w gwneud yn yr ysgol neu'n annibynnol o adref.

Mae'r adnodd ar gael am ddim ar [safwe HWB](#).

Winter Writing Workshops

Dros y mis nesaf bydd Eloise Williams [[@Laureate_Wales](#)] yn rhyddhau cyfres o weithdai ysgrifennu am ddim (cyfrwng Saesneg) i blant a phobl ifanc 7-14 mlwydd oed. Ceir rhagor o wybodaeth a'r amserlen lawn yma: <https://llynyddiaethcymru.org/lw-news/winter-writing-workshops-gydag-eloise-williams/>.

Llyfrau sy'n adlewyrchu diwylliant a hunaniaeth Cymru

[Mae'r adnodd hwn](#) wedi'i ddatblygu gan Consortiwm Canol De Cymru ar y cyd â Chyngor Llyfrau Cymru. Mae wedi cael ei greu er mwyn rhoi gwybodaeth i ysgolion cynradd am ystod o destunau y gellid eu defnyddio fel rhan o ddarpariaeth ddarlennu ysgol i roi mynediad i ddysgwyr at destunau sy'n adlewyrchu eu hunaniaeth, tirluniau a hanes ein cenedl.

[Catalog Llyfrau Cymraeg](#) | [Catalog Wales in English](#)

Amser Rhigwm Mawr Cymru 2021

Mae BookTrust Cymru yn gwahodd beirdd, awduron, cerddorion a pherfformwyr i'w helpu i greu cynnwys newydd ac arbennig ar gyfer Amser Rhigwm Mawr Cymru 2021.

Maen nhw'n cynnig hyd at bedwar comisiwn fydd yn werth £500 yr un.

Dyddiad cau: 30/11/20

<https://www.booktrust.org.uk/about-us/work-at-booktrust/>

Technocamps: Gweithdai Rhithwir i Ysgolion

Mae Technocamps yn cynnig gweithdai Rhithwir Cyfrifiadureg am ddim i ysgolion yng Nghymru.

Mae rhagor o wybodaeth ar gael [yma](#).

Wythnos Addysg Ryngwladol

Rhwng 16 a 20 Tachwedd ymunwch â chyfres y Cyngor Prydeinig o ddigwyddiadau a gweithgareddau ar-lein am ddim ar newid hinsawdd, dysgu ieithoedd tramor modern, materion byd-eang sydd o ddiddordeb i bobl ifanc, partneriaethau rhyngwladol ac iaith a diwylliant Arabaidd.

[Cliciwch yma](#) am ragor o fanylion.



CA4 / Cyfle Dysgu Proffesiynol Ôl-16

- Mae *Bloom* yn adnodd am ddim i ysgolion, sy'n rhoi'r adnoddau a'r wybodaeth i ddysgwyr yng CA4/ôl-16 i gynnal iechyd meddwl da, meithrin gwytnwch a lles - <https://mentalhealth-uk.org/partnerships/projects/bloom/>
- Mae pob sesiwn ar gael yn ddwyieithog, gyda dyddiadau newydd yn cael eu rhyddhau bob pythefnos. Rydym wedi gweithio gyda Hafal Cymru i sicrhau bod sesiwn bob prynhawn Mawrth ar gyfer cyflwyno 'Hyfforddiant Athrawon Bloom' cyfrwng Cymraeg er mwyn sicrhau cysondeb i'n hysgolion.
- Ar ôl cwblhau'r sesiwn Hyfforddiant Athrawon ar-lein, gall Hyfforddwyr wedyn weithio gydag aelodau staff x3 i gyflwyno'r rhaglen i x2 carfan yn eu hysgol.
- Mae'r rhaglen yn cynnwys 6 phwnc allweddol – Beth yw Gwytnwch? Straen Arholiadau / Gwneud Penderfyniadau / Rheoli Astudiaethau/Pwysau Cymdeithasol a Chyfeillgarwch.
- Er mwyn cofrestru a gweld yr holl ddyddiadau sydd ar gael rhwng rŵan a diwedd y tymor gweler y ddolen - <https://www.eventbrite.co.uk/o/bloom-30910552781>

Addysg am Wleidyddiaeth

At sylw Arweinwyr CA4, CA5 a Chydlynwyr y Fagloriaeth/THS: Cysylltu â myfyrwyr yn Etholiadau'r Senedd 2021

Mae Cymorthfeydd Digidol yn cysylltu myfyrwyr â gwleidyddion lleol drwy lwyfannau fideogynadledda fel Teams a Zoom, gan godi ymwybyddiaeth o system wleidyddol Cymru cyn Etholiadau'r Senedd 2021. Darperir hyfforddiant ac adnoddau i baratoi myfyrwyr yn ogystal â chymorth ymgysylltu.

Am fwy o wybodaeth: <https://thepoliticsproject.org.uk/dswales>

Cynllun Iechyd Da – Llyfrau Iechyd a Lles

Yn ystod mis Rhagfyr a Ionawr, bydd pecyn o tua 40 o lyfrau i gefnogi'r agenda iechyd a lles yn cyrraedd pob ysgol gynradd yng Nghymru o Ganolfan Ddosbarthu Cyngor Llyfrau Cymru.

Bydd y pecynnau'n cynnwys llyfrau stori-a-llun a llyfrau pennod sy'n addas ar gyfer ystod o oedrannau rhwng 4 ac 11, wedi'u dethol gan banel arbenigol.

Yn ogystal, bydd canllawiau a thaflen wybodaeth i gyd-fynd â phob un o'r llyfrau unigol, a'r holl ddeunydd wedi'i baratoi gan rwydwaith o athrawon sy'n arbenigo ym maes llythrennedd, iechyd a lles. Bydd adnoddau digidol ychwanegol ar gael drwy HWB yn ystod tymor y Gwanwyn.

Ceir rhagor o fanylion [yma](https://yma.gov.uk).

post@gwegogledd.cymru

